

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-9215/20  
Sarajevo, 02.7.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača u predmetu – Izvođenje radova na izgradnji javne rasvjete na području općine – šetnica od Trga solidarnosti do Trga međunarodnog prijateljstva**

#### **I**

Prihvata se preporuka Komisije za javnu nabavku radova i okvirni sporazum za javnu nabavku u predmetu – Izvođenje radova na izgradnji javne rasvjete na području općine – šetnica od Trga solidarnosti do Trga međunarodnog prijateljstva, broj obavještenja 422-1-3-129-3-78/20, objavljeno na Portalu javnih nabavki dana 04.6.2020. godine i “Službenom glasniku BiH- Oglasnik javne nabavke”, br. 33/20, dodjeljuje se ponuđaču „Ses“ d.o.o. Sarajevo, sa ponuđenom cijenom za okvirni sporazum u iznosu od 170.909,55 KM bez PDV-a, odnosno 199.964,17 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

#### **III**

Konstatuje se da je ponuđač iz člana I ove Odluke dostavio dokumentaciju traženu u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumentaciju traženu u tački 3.3.2 tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja iste.

## **Obrazloženje**

Odlukom broj 02/12-19-9215/20 od 02.6.2020. godine Općina Novi Grad Sarajevo pokrenula je otvoreni postupak javne nabavke - Izvođenje radova na izgradnji javne rasvjete na području općine – šetnica od Trga solidarnosti do Trga međunarodnog prijateljstva, broj obavještenja 422-1-3-129-3-78/20, objavljeno na Portalu javnih nabavki dana 04.6.2020. godine i “Službenom glasniku BiH- Oglasnik javne nabavke”, br. 33/20. Procijenjena vrijednost nabavke je 170.940,17 KM bez PDV-a, odnosno 200.000,00 KM sa PDV-om.

Zapisnikom o otvaranju ponuda od 26.6.2020. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: 1. „Deling“ d.o.o. Tuzla sa ponuđenom cijenom za okvirni sporazum u iznosu od 208.719,79 KM sa PDV-om i 2. „Ses“ d.o.o. Sarajevo sa ponuđenom cijenom za okvirni sporazum u iznosu od 199.964,17 KM sa PDV-om. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Deling“ d.o.o. Tuzla ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) da je ponuđač u protekle tri kalendarske godine uspješno izvršio jedan ugovor koji za predmet ugovora ima radove izgradnje, rekonstrukcije, sanacije i modernizacije javne rasvjete vrijednosti najmanje 200.000,00 KM sa PDV-om. Shodno tački 3.4.2. tenderske dokumentacije ocjena tehničke i profesionalne sposobnosti ponuđača se cijeni na osnovu slijedećih dokaza:

1. Lista izvršenih ugovora ponuđača koji su u vezi predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor koji za predmet ugovora ima radove izgradnje, rekonstrukcije, sanacije i modernizacije javne rasvjete vrijednosti najmanje 200.000,00 KM sa PDV-om.

2. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove izgradnje, rekonstrukcije, sanacije i modernizacije javne rasvjete vrijednosti najmanje 200.000,00 KM sa PDV-om, koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija).

Ponuđač „Deling“ d.o.o. Tuzla dostavio je na strani 48. ponude običnu kopiju potvrde J.P. Međunarodni aerodrom „Sarajevo“ broj 02-1-04-7-2849-43/17 od 17.6.2020. godine za ugovor koji je u vezi s predmetom nabavke u vrijednosti 106.873,20 KM bez PDV-a, te na strani 49. običnu kopiju potvrde „Euro-asfalt“ d.o.o. Sarajevo broj 2901-AM/18 od 29.01.2018. godine za radove u vezi s predmetom nabavke u kojoj se kao vrijeme izvršenja ugovora navodi oktobar 2016. godine. Dakle, osim što se predmetne potvrde ne mogu prihvatiti iz razloga jer nisu original ili ovjerena kopija, one se ne mogu prihvatiti ni iz razloga što se potvrda broj 02-1-04-7-2849-43/17 od 17.6.2020. godine odnosi na izvršenje ugovora manje vrijednosti od one koja je tražena tenderskom dokumentacijom, dok se potvrda broj 2901-AM/18 od 29.01.2018. godine ne može prihvatiti jer se ne odnosi na radove koji su izvršeni u posljednje tri godine kako je to traženo tenderskom dokumentacijom.

Iz naprijed navedenog razloga utvrđeno je da ponuđač „Deling“ d.o.o. Tuzla ne ispunjava uslove tražene u tenderskoj dokumentaciji iz tačke 3.2.1. (a) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostala dostavljena ponuda „Ses“ d.o.o. Sarajevo ispunjavaja formalno-pravne i kvalifikacione uslove tražene u tenderskoj dokumentaciji, te je izvršila računsku kontrolu ponude i utvrdila da nije bilo računске greške. Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, br. 66/16) odlučeno je da će se predmetni postupak okončati u skladu sa članom 69. Zakona o javnim nabavkama.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik  
mr. Semir Efendić

